

**Date – 09/07/2024**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. Agricultural Market Assurance Fund Management Board chuan Thlai pali hmunphiah, Sawhthing, hmarcha leh aieng chungchanga hmalak tawnate an thlirho .**
- 2. TNT Chairman Dr. Sangthankima, Padma Shree chuan mite ngaiha misualte; mi à te, ruihhlo ngaite leh chanhaite tana rawngbawl loh a hlahu thu a sawi.**
- 3. Prime Minister Narendra Modia chuan nizan khan Moscow a thleng.**
- 4. Supreme Court chuan sawrkar laipui leh National Testing Agency (NTA) te chu NEET UG paper putru thubuaiah an report te theh lut turin a hriattir.**

<><><>

**AGRICULTURE**

**Nimin khan Agricultural Market Assurance Fund Management Board (AMAFMB) chuan an Chairman Pu P.C.Vanlalruata, Agriculture Minister kaihhruiin a office chamber-ah meeting an nei a.**

**Board Member-te bakah sawmbik, Prof. Lalnilawma, Minister, Horticulture Dept. leh Dr. K.C. Lalmalsawmzauva, Adviser to CM (Hand holding Policy) leh Co-Chairman, AMAFMB te an tel baw a ni. Thlai pali (4) - hmunphiah, Sawhthing, hmarcha leh aieng chungchanga hmalak tawnate ngaihthlak leh thlirho a ni a, hmalak leh zel dan tur atana thil pawimawh hrang hrang sawi ho a ni baw.**

**Meeting-ah hian AMAFMB chu Mizoram State Agriculture & Allied Marketing Board (MISAMB) tia a hming thlak a nih thuai tur thu te, hmunphiah leh sawhthing tan bika Collection Centre dinmun te, Sairang Horticulture Dept. hmuna Ginger Processing Unit din dan chungchang leh thlai 4-a inremna leh Operational Guidelines te ngaihthlak leh thlir ho a ni baw.**

<><><>

**KHAWZAWL**

**Planning & Programme Implementation Department hnuaiiah Startup India chungchang zirhona leh inhrilhfiahna hun DC Meeting Hall-ah Addl.DC Pu Lalfakzuala hovin nimin khan neih a ni a.**

**He hunah hian Khawzawl District chhunga Farmer Producer Company aiawhte leh Khawzawl District Farmer Society aiawhte te telin, Mizoram Startup Mission(MSUM), Planning and Programme Implementation Department atangte leh Ministry of Commerce atangin mithiam ten zirtirna an pe a ni.**

**Addl.DC chuan Startup India hnuaiia Post harvest management chungchang inhrilhhriatna an neih chu pawimawh a tih thu leh a ngaihhlut thu sawiin, Khawzawl District chuan thlai tharchhuah kan ngah hle rualin a hralh chhuahna kawng kan la zawh thui lo hle a ni,a ti a, chutiang a nih avang chuan Khawzawl District mipuite tan ngat phei chuan vawiin a an hun hman chu a hlu leh zual a ni,a ti.**

**MSUM Program Manager Ruth Chawngthanpuii chuan Startup India Mission chungchangah kalkhawmte hnenah zirtirna pein, hei bakah hian Ministry of Commerce atangin mithiam ten zirtirna hun hmang bawkin, kalkhawmte zingah interaction hun hman a ni bawk.**

**Meetingah hian DC, Khawzawl leh Planning and Implementation Department tangkawpin remchang hmasa berah Startup India chungchangah Sensitization Programme neih tur a ruahhmanna siam a ni bawk.**



#### **CHAMPHAI**

**Kumin atang hian Mizorama leilet zawl zau ber, Champhai zawlah a wawi khatna atan Buh chi Hybrid 4444 Arize Gold chin chhin a ni dawn a, Champhai District chhunga chhungkaw 20-ten he buhchi hi an ching chhin dawn a ni.**

**District Agriculture Officer R. Lalramhluni sawi danin, kumin hian Ruahtui a tla tha a, Champhai District chhungah Tui awm loh avanga buh phun thei lo an awm hriat a ni lo a, Champhai zawl bakah Hnahlan rama Laliphaiah te, Ngur khaw rama Zilhri phaiah te leh Tiau lui dung a leilet hmun tam zawkah buh phun runpui a thleng chho mek a, tun thla chawhma lamah chuan buh phun hi zawhfel hman beisei a ni.**

**Kumin hian Champhai zawl bikah khawl hmanga buh phun uar zual a niin leilet neitu ten buh phun tura Rate sang taka hlawhfa an chhawr thin chu khawl hmanga buh phun hian nasa takin leilet neitute harsatna a sutkiansak niin DAO chuan a sawi bawk.**

Hetihlai hian kum danga tui kawng neih that loh vanga buh phun theih lohna hmunah te chuan Vaimim chin uar zual a ni a, Champhai District a khaw pasarihah chuan Vaimim leh Bekang uar zawka chin mek a ni bawk.

<><><>

TNT

TNT Chairman Dr. Sangthankima, Padma Shree chuan mite ngaiha misualte; mi à te, ruihhlo ngaite leh chanhaite tana rawngbawl loh a hlauh thu a sawi.

Nimin khan TNT, Kolasib Branch chuan TNT founder leh Chairman nilai Dr. Sangthankima'n India civil mite chawimawina sang ber Padma Shree Award a dawn lawmpuina an buatsaih a, he hun hi Kolasib bialtu MLA, Pu Lalfamkima, Assembly Dy Speaker in a hmanpui a.

Hetah hian thu sawiin, Pu Sangthankima chuan TNT chu khawvela Home lian ber niin, TNT Hqrs., Muanna Veng, Aizawl-ah kawng hrang hranga harsatna tawk mi 1810 enkawl mek anih thu sawi in, TNT chu harsatna tam tak paltlang in, Pathian chauh rinchhan a kal annih thu a sawi.

Padma Shree Award chu a dil anih loh thu te, hetiang chawimawina hi a beisei loh leh a phuloh thu a sawi a ni.

Assembly Dy Speaker Pu Lalfamkima chuan, rilru, taksa leh thlarau lama kawng hrang hranga harsatna tawktute tana ding Thutak Nunpuitu Team (TNT) dintu leh thawktu zawng zawngte thawhrimna fakawm a tih thu a sawi a, rawngbawlna ruhrel lian, hmalakna ropui tak leh mi thahnem tak enkawl thei turin Pathian atanga chhuak hmangaihna tello chuan mihring taka tlin chi ani lo, a ti a. Pathian ringtu leh Pathiana in nghatte tan lo chuan TNT rawngbawlna chu kalpui theih anih a rin loh thu a sawi.

Dy Speaker chuan, Mizoram ah Home tam tak din anih tawh thu sawiin, heng zinga thenkhat chu tanpuina leh a behbawm a buai thin ni a a hriat thu leh chutiang Home chu a din rei ngai loh thu a sawi a, sorkar leh mite tanpuina ringawta in nghat velo- TNT a awm chu Mizo mipuite tan a vanneihthlak in, mi tam tak tana harsatna sut kian saktu anih thu a sawi bawk.

<><><>

MJA GBM

Nimin khan MJA General Headquarters chuan Aizawl Press Club ah General Body meeting an nei a, an pawl thil pawimawh hrang hrang an sawi ho.

He hunah hian MJA President, Pu C. Lalrambuatsaiha chuan, thuthar thehdarh kawngah Journalist ten tan an lak thar zel a tul thu a sawi a. Social Media platform hrang hrang hmangtu an pung zel a, hei hian thuthar thehdarhtute a run nasa a, a bikin chanchinbu lam-a thawktute chu Social Media-in a eiral mai loh nan an insang mar a, tun aia chak leh zual-a ke an pen a tul thu a sawi. Pu C. Lalrambuatsaiha chuan, pawl reng reng chak tak-a kal tur chuan thawh hona tha an nei a, member-te an inlungual a tul tih sawiin, MJA member te chu pawl hmalakna ngaipawimawh thar a, thil tihna zawng

zawngah an tel vek hman lo a nih pawhin a tam thei ang ber MJA hmalakna tawiawm thin turin a sawm a ni.

Inkhawm hi MJA Vice President, Pu C. Lalhmachhuana'n a kaihruai a, MJA member ten an pawl hmachhawp leh hmalakna tura an thil duh hrang hrang an sawi ho a. Kumin June ni 6-a MJA Executive Committee thukhawmin MJA member atana a lak tharte chu MJA President, Pu C. Lalrambuatsaiha'n a lawmlut nghal a ni..

<><><>

AYUSH DEPT

Ayush Dept Dy Director Dr S. Mara Thansiami chuan Ayush Damdawi pawh rahhmul damdawi a nih vek bik loh avangin mipuite fimkhurna tlanna atan Doctor chawh chauh damdawi ei a him ber a ni a ti a.

He thu hi Akashvani Corr in a kawmnaah sawiin Dr S Mara Thansiami chuan Doctor te chawh loh damdawi lakah fimkhur a tha a ti a. Damdawi tha tak pawh a eidan ni lova a eilo turin an ei chuan nghawng tha lo a nei thei a ti a. Damdawi ingredients ah ei teuh teuh loh chi a awm thin a, Ayush Damdawi pawh herbal damdawi an ni kher lo a , Ramhmul damdawi an classify ang a nih loh thu leh dan dik taka siam a nih avangin a ingredients pawh herbal vek a ni lo a ti.

Dr S Mara Thansiami chuan kum upa ho inenkawla turin Ayush Health & Wellness Centre 41 in tun thla chhung hian Geriatric Helathcare neih tum a ni a ti a. Drug Testing Laboratory for ASU & H Drugs damdawi chi hrang hrangte chu GMP Certified emaw Quality Certified chu Zemabawkah Drug Testing Laboratory ah test theih reng a nih thu leh Damdawi chi hrang hrang Ayush Damdawi chauh pawh nilo damdawi thawk phut phut ang chi te pawh hlauhawm a awm theih thu a sawi a.

Tun dinhmunah Ayush Department hnuaiiah SMPB a awm thu a sawi a. Ramhmul damdawi chingtute tana din anih thu leh kuthnathawktute pawh a in register theih a ti a. SMPB chu rawn reng theih an ni a, Kum 2007 atangin Ayush Doctor rawn theihin an awm tawh thu leh damlote pawh Ayush System hmang pawh a enkawl an tam tawh thu sawiin Pancha Karma Therapy pawh Thenzawlah a lak reng theih a. Civil Hospitalah pawh Drug Control Cell hnuaiiah Peripheral Pharmacovigilance Centre pawh Doctor 1 enkawlina hnuaiiah Civil Hospital ah an neih thu leh damdawi side effect nei in report nana hawn a ni a ti.

Ministry of Ayush hi kum 2014 khan din a ni aa, hemi kum vek hian National Ayush Mission kalpui tan nghal a ni a. Kum 2016 atang khan Mizoramah Integrated Ayush Hopital hi Thenzawlah din a ni a, tun dinhmunah khum 50 a awm mek a. District Hospital tinah Ayush Doctor hi rawn theihin an awm vek a, Civil Hospital ah OPD neiin an awm bawka a ni.

<><><>

**PM**

**Prime Minister Narendra Modia chuan nizan khan Moscow a thleng. Moscow airport ah Russia Deputy Prime Minister Denis Manturov chuan a lo hmuak a, sipai chawimawina famkim nen lo dawnsawn a ni.**

**Vawiinah Prime Minister Modia hian India leh Russia Annual Summit wawi 22 na a hman dawn a. He hunah hian Russian President Vladimir Putin-a nen rampahnih inkara thil pawimawh hrang hragnte an sawidun ang.**

**Prime Minister Modia hian Russia-a hun a hman zawh hian Austria a pan leh dawn a. Kum 40 hnua India PM zinga Austria tlawh leh hmasa ber a ni ang.**

<><><>

**SC ON NEET UG**

**Supreme Court chuan sawrkar laipui leh National Testing Agency (NTA) te chu NEET UG paper putru thubuaiah an report te thehltur turin a hriattir. Court chuan CBI te pawh he thubuai an chhui mekah an thlen chin hrih turin a ti bawk a. Naktuk tlai dar 5 hmawh NTA, Sawrkar laipui leh CBI te chu an report thehltur turin a ti a. Chief Justice DY Chandrachud, Justice J B Pardiwala leh Justice Manoj Misra te awmna bench chuan NEET UG exam -a thil diklo awmte chungchanga sawrkar khinna hi nimin atang khan a ngaihtuah tan a. Court-a khingtu thenkhat chuan a thar hlaka exam that leh an beisei a. CJI chuan exam zahawmna chu nasa taka tihkhawloh anih thu a sawi a. Exam that leh chungchang erawh exam paper putru in eng chen nge a thlen tih enfiah phawt a tul thu a sawi a. Exam zawng zawng cancel chu a kawtawpa tanna tur chauh a ni a ti bawk. He thubuai hi ningani ah ngaihtuah leh a ni ang.**

<><><>

**JHARKHAND CM EXPANDS CABINET**

**Jharkhand Chief Minister Hemant Soren-a chuan nimin khan a cabinet a tilian a. Chief Minister hlui Champai Soren-a chu a cabinet ah telh a ni a. Ani bakah hian MLA 11 te chu cabinet ah lakluh an ni a. An zingah hian JMM MLA paruk, Congress MLA pali leh RJD MLA pakhat te an ni a. Nimin tlai khan Governor chuan C.P. Radhakrishnan chuan cabinet member tharte hi rinawmna thu tiam tirin a lalut a ni.**

**Jharkhand Chief Minister Hemant Soren-a kaihhrui Jharkhand Mukti Morcha (JMM) chuan nimin khan Assembly ah sawrkar bukna a paltlang a. JMM kaihhrui sawrkar-a MLA 45 chuan sawrkar an thlawp a. Chief Minister hian sawrkar rintawkna motion hi nimin khan pulutin sawiho a ni a. Sawrkar buk tura vote thlak laiin eptu lamin lungawilohna lantirin Pu Soren-a sawrkar an duhlohzia an aupui a. Hemi hnu hian vote chhiar fel niin rorel inkhawm chu tiamchin awmlova tihtawp a ni.**

**Kum 48-a upa Hemant Soren hi tun thla ni 4 khan Chief Minister atan lakluh a ni leh a. Hun engemawchen sum chhehrelh thubuaiah man anih hnua h bail-a chhuah a ni.**

<><><>